

PEOPLE

NEWSLETTER OF PARTI LEPEP

PLUS!

VOL.11 NO:8 (May 2010)

Sa pti group ki oule kree enstabilite

Fodre nou demantibil zot

Minis Morgan in byen koze ler in dir ki gouvènmman pa pou toler okenn ensekirite koze par prizonnyen sove dan sa pei. E nou demann minis pour konsider devwal non bann ki kontinyen par deryer sa bann aktivite ki kapab kree enstabilite dan nou pei.

Sa serten gard prizonnyen ki pa travay dan lentere letablisman, bann an deor ki met pare loto lwe e landrwa kasyet pour prizonnyen ki zot fer sove, i merit ganny ekspoze pour pep Seselwa konnen lekel zot.

Fodre ki nou demantibil sa pti group ki krwar ki a sak fwa napa latansyon lo zot, oubyen Prezidan Michel pe byen debrouye pour asir

devlopman Sesel, zot pou trouv fason pour kree en dezord. Si pa pirat i prizonnyen sove, e tou zot aksyon i menas sekirite nou pep.

Koman Prezidan Michel i vir ledò i al Lasin isi deryer zot organize pour fer prizonnyen sove. Sa bann dimoun ki parmi in komet mert e pe fer santans lavi prizon, i met lafreyer dan bann fanmir ki bezwen pa dormi aswar, e zot vin en menas pour propriete dimoun.

Zot pa realize ki zot ganny servi par sa pti group pour komet plis ditor e se zot ki pey lepo kase. Tandis ki sa bann ki'n servi zot febles zot lib e sen e sof andeor baro prizon.

I'n ler enn fwa pour tou pour met en lafen avek sa pti group ki krwar ki gouvènm-

man pou kontinyen les zot trankil, aköz zot aksyon i toultan kout pei pli ser.

Pour fer vini etranze pour vin donn koud-men asir

sekirite kot prizon, pou kout gouvènmman larzan, me selman omwen nou a konnen ki prizonnyen pa pou pran lotorite pour foubet.

Konbyen larzan SNP in gannyen?

Prezidan Michel in fer nou konnen ki Gouvènmman Lasin pou donn Sesel 6 milyon dolar byento. Me nou pankor lir okenn par konbyen larzan SNP in gannyen aletranze.

Nou konnen ki Ramka ek Ferrari ti'n al lo en vizit

ofisyel Lerop, e pandan zot vizit zot in pas kot Fondasyon pour Lademokrasi, sa fondasyon ki abitye rod larzan pour SNP.

Lezot manm SNP e siporter i merit met presyon pour konnen si wi larzan in donnen, konbyen e ki pou fer avek? Fer Ramka rann kont.

Ki Ramka ti pe sey kree Praslin?

Bann dimoun ler ti tande ki Wavel i kot zot lakaz ti vir lo zot bor e prefere al debout obor semen ziska ler i desann. I ti'n al Praslin pour al vizit fanmir ki reste obor zenerater PUC, me bannla pa ti anvi vwar li.

Zot demande ki sa boug in vin fer la kan lotorite in fini pran desizyon ki sa masin ki fer tapaz pe al bouz lo Ile Eve tanporeman.

En madanm ti telefonnen e dir ki zot pe rod trankilite e pa konpansasyon.

Ramka in al dir zot fodre fer gouvernman pey zot kon-

pansasyon. Se tou ki i konnen zis met presyon pour rod larzan. Partou kot i santi loder larzan in arive. I vre sa boug i annan en problem ek larzan. Ou a krwar

i dormi i rev larzan, i leve i demann zis sanmenm, pa drol ki en serten bougla i kontinyelman al sers lanvlop kot sa pti lotel Providence.

Malelve in retournen

Dapre en zwer Arpent Vert la sa de malelve in retournen pour vin fer zot onte e fors leres vin parey zot. De Mardi pase Lasanble ti trankil e byen deroule dan labsans sef ek son depite. Zot ti aletranze, e sef ti pe fer SNP onte Zurich.

La zot in retournen pa Parti Lepep ki pe gel zot me zot konfrer Arpent Vert. Bannla in dir zot in ganny ase ek malelve sa de zans. Bannla in sitan determinen zot pe koz dan tou kwen semen.

Fodre dir osi nou tande byen-to ki pou annan k**** dan Kan Ver, e i annan ki'n menm dir gran mersi zot pe les tonbe!

Pipili ti en dezapwentman!

Digwa in anvoy en mesaz kler pour SNP pour les zot trankil e fer zot pipili Arpan Ver. Zot ti mont La Digue e anonse ki pandan trwa zour zot ti pou fer aktivite lo sa zil me 'turn-out' pa ti lo la. Ti annan laplipar dimoun ki zot ti'n mont avek sorti Mahe, e zis enn de Digwa ki ti plito pas kot aktivite pour anmize me pa akoz zot siport SNP. Kekfwa 'better luck' antre zot Arpan Ver.

Atansyon kobra!

Bannla zot konnen kote Kobra ti ete wikenn, Praslin. Dapre zabitan laba, i ti pe fer dyok lo son prop lekor e riy kanmi dan semen.

Bannla in anvi met li dan en pti lakaz akoz zot ti pe per i a pik dimoun avek son venen anpwazonnen.

Zot pe demann dimoun Mahe pour fer atansyon, pankar kobra sorti Arpan Ver ava atak zot. Deza la i pe ronfle, in tande nou'n ganny sis milyon dolar!

Pti aktivis pe kontinyen debrouye

Dapre manm fanmir pti aktivis pe kontinyen debrouye lo kwen montanny. Kimannyer dil i monte dan bwat 'take-away' oubyen pake biskwi? Sanmenm sa 'change is coming', pour zot liberaliz sa komodite? Fodre bann Gurkhas i get li pre.

La sa zwer ser!



Produced, Published by the PARTI LEPEP.

Tel: 28 49 00 P.O.Box 1242, Victoria, Mahe, Seychelles. Printed By PRINTEC PRESS HOLDINGS, Mt Fleuri.